



Քաղաքացիական գործ թիվ ԵԴ/3146/02/23


**ՀՀ ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԱՌԱՋԻՆ ԱՏՑԱՆԻ ՔԱՂԱՔԱՑԻԱԿԱՆ ԴԱՏԱՐԱՆԻ ՈՐՈՇՈՒՄ**

*ՀԱՅՅԱՂԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ ԳՈՐԾԻ ՔՆՆՈՒԹՅՈՒՆԸ ԳՐԱՎՈՐ ԸՆԹԱՑԱԿԱՐԳՈՎ ԻՐԱՎԱՆԱՑՆԵԼՈՒ ՄԱՍԻՆ*

07.02.2023թ.

ք.Երևան

ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Հ. Զարգարյանս (այսուհետ՝ Դատարան), ծանոթանալով «ԽԼՂԱԹՅԱՆ ՇԻՆ» ՍՊ ընկերության հայցադիմումին ընդդեմ ՀՀ աշխատանքի և սոցիալական հարցերի նախարարության՝ «ԽԼՂԱԹՅԱՆ ՇԻՆ» ՍՊ ընկերության և ՀՀ աշխատանքի և սոցիալական հարցերի նախարարության միջև 21.03.2022 թվականին կնքված «ԱՍՀՆ-ԳՀԱՇՁԲ-22/17» ծածկագրով գնման պայմանագիրը միակողմանի լուծելու մասին որոշումն անվավեր ճանաչելու պահանջի մասին,



**Պ Ա Ր Ձ Ե Ց Ի**

«ԽԼՂԱԹՅԱՆ ՇԻՆ» ՍՊ ընկերությունը 25.01.2023 թվականին հայցադիմում է ներկայացրել Դատարան ընդդեմ ՀՀ աշխատանքի և սոցիալական հարցերի նախարարության՝ «ԽԼՂԱԹՅԱՆ ՇԻՆ» ՍՊ ընկերության և ՀՀ աշխատանքի և սոցիալական հարցերի նախարարության միջև 21.03.2022 թվականին կնքված «ԱՍՀՆ-ԳՀԱՇՁԲ-22/17» ծածկագրով գնման պայմանագիրը միակողմանի լուծելու մասին որոշումն անվավեր ճանաչելու պահանջի մասին:

Հայցադիմումը ներկայացվել է 25.01.2023 թվականին, իսկ դատավորի աշխատակազմին տրամադրվել է 02.02.2023 թվականին:

ՀՀ քաղաքացիական դատավարության օրենսգրքի 234.5-րդ հոդվածի համաձայն՝ «1. Դատարանը սույն գլխով սահմանված կարգով քննում և լուծում է «Գնումների մասին» Հայաստանի Հանրապետության օրենքի 46-րդ հոդվածի 1-ին մասով սահմանված պատվիրատուի և գնահատող հանձնաժողովի գործողությունների (անգործության) և որոշումների բողոքարկման հետ կապված վեճերը:

2. Գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

Տվյալ դեպքում ներկայացված հայցապահանջով հայցվորը վիճարկում է պատվիրատու պատասխանողի գործողությունները՝ ուղղված «ԽԼՂԱԹՅԱՆ ՇԻՆ» ՍՊ ընկերության և ՀՀ աշխատանքի և սոցիալական հարցերի նախարարության միջև 21.03.2022 թվականին կնքված «ԱՍՀՆ-ԳՀԱՇՁԲ-22/17» ծածկագրով գնման



հայցը ենթակա է քննության ՀՀ քաղաքացիական դատավարության օրենսգրքի 27.2-րդ գլխի կանոններով:

Հայցադիմումի ընդունումը մերժելու կամ այն վերադարձնելու հիմքեր չկան:

Դատարանը հարկ է համարում նաև պարզաբանել, որ «Գնումների մասին» ՀՀ օրենքի 08.02.2022 թվականի թիվ ՀՕ-4-Ն օրենքի 27-րդ հոդվածի համաձայն՝ «Սույն օրենքի պահանջները չեն տարածվում մինչև սույն օրենքն ուժի մեջ մտնելը սկսած և չդադարած, ինչպես նաև կնքված և գործող գնման գործարքների վրա, իսկ դրանց հետ կապված հարաբերությունները կարգավորվում են այդ գործարքների կնքման պահին գործող իրավական ակտերով, բացառությամբ սույն օրենքի 3-րդ հոդվածի 4-րդ և 5-րդ մասերի, 22-րդ և 23-րդ հոդվածների»:

Միևնույն ժամանակ, ՀՀ քաղաքացիական դատավարության օրենսգրքում փոփոխություններ և լրացումներ կատարելու մասին 08.02.2022 թվականի թիվ ՀՕ-7-Ն օրենքի 6-րդ հոդվածի համաձայն՝ գնումների հետ կապված վեճերի քննության հատուկ ընթացակարգ սահմանելու մասին ՀՀ քաղաքացիական դատավարության օրենսգրքի 27.2-րդ գլուխն ուժի մեջ է մտել պաշտոնական հրապարակման օրվան հաջորդող չորրորդ ամսվա մեկից, այն է՝ 01.06.2022 թվականից:

Ուստիև Դատարանը հարկ է համարում նշել, որ 25.01.2023 թվականին ներկայացված գնումների հետ կապված վեճերի քննության հատուկ կարգը կիրառելի է սույն քաղաքացիական գործի նկատմամբ, և հայցը ենթակա է քննության դրա ներկայացման պահի դրությամբ գործող դատավարական կանոններով, այն է՝ ՀՀ քաղաքացիական դատավարության օրենսգրքի 27.2-րդ գլխով:

Դեկլարվելով ՀՀ քաղաքացիական դատավարության օրենսգրքի 120-122-րդ, 199-րդ, 200-րդ հոդվածներով, ինչպես նաև 27.2-րդ գլխի կանոններով՝

### Ո Ր Ո Շ Ե Ց Ի

1. «ԽԼԴԱԹՅԱՆ ՇԻՆ» ՍՊ ընկերության հայցադիմումն ընդդեմ ՀՀ աշխատանքի և սոցիալական հարցերի նախարարության՝ «ԽԼԴԱԹՅԱՆ ՇԻՆ» ՍՊ ընկերության և ՀՀ աշխատանքի և սոցիալական հարցերի նախարարության միջև 21.03.2022 թվականին կնքված «ԱՍՀՆ-ԳՀԱՇՁԲ-22/17» ծածկագրով գնման պայմանագիրը միակողմանի լուծելու մասին որոշումն անվավեր ճանաչելու պահանջի մասին, ընդունել վարույթ:

2. Գործի քննությունն իրականացնել գրավոր ընթացակարգով՝ դատական ակտի հրապարակման օր սահմանելով 13 մարտի 2023 թվականին՝ դատական իշխանության պաշտոնական էլեկտրոնային կայքի (datalex.am) միջոցով՝ դատական ակտի թղթային հասանելիությունն ապահովելով նույն օրը՝ ժամը 17:00-ից հետո:

Որոշումը եռօրյա ժամկետում ուղարկել գործին մասնակցող անձանց:

Որոշումն անհապաղ ուղարկել «Գնումների մասին» Հայաստանի Հանրապետության օրենքով նախատեսված լիազորված մարմնի պաշտոնական էլեկտրոնային փոստի հասցեին՝ secretariat@minfin.am:

Որոշումն օրինական ուժի մեջ է մտնում կայացման պահից:

ԴԱՏԱՎՈՐ՝

Հ. ԶԱՐԳԱՐՅԱՆ

*Պարզաբանվում է, որ Դատարանը գործին մասնակցող անձի միջնորդությամբ կամ իր նախաձեռնությամբ իրավասու է հրավիրել դատական նիստ՝ ՀՀ քաղաքացիական դատավարության օրենսգրքի 234.9-րդ հոդվածով սահմանված կարգով և դեպքերում:*